



Republika e Kosovës / Republika Kosovo / Republic of Kosovo
Komuna e Rahovecit/ Opština Orahovac/Municipality of Rahovec
Drejtoria për Kulturë, Rini dhe Sport
Odeljenje za Kulturu, Omladinu i Sport
Department of Culture, Youth and Sport



Datë: 12.09.2024

Datë/Datum/Date:	12.09.2024
Referenc-ë	
Për/Za/To:	Kuvendin Komunal-Rahovec
CC:	
Nga/Od/From:	z. Afrim Dina, Drejtor për Kulturë, Rini dhe Sport
Subjekti/Predmet/Subject	Informatë:



REPUBLIKA E KOSOVËS
REPUBLIKA KOSOVA
KOMUNA E RAHOVECIT - OPŠTINA ORAHOVAC
Drejtoria për Kulturë, Rini dhe Sport
Odeljenje za Kulturu, Omladinu i Sport
-XIII- Nr. I prot. 37 Dt. 16.09.2024
RAHOVEC - ORAHOVAC

-Informatë për muajin e mërgimtarëve 2024:

Të nderuar anëtarë të Kuvendit Komunal- Rahovec.

Drejtoria për Kulturë, Rini dhe Sport si bartëse e të gjitha aktivitete për muajin e mërgimtarëve ju paraqet dhe informon për mbarrëvajtjen e të gjitha aktiviteteve nga 15 korrik deri më 15 gusht 2024.

Manifestimi tradicional për muajin e mërgimtarëve, nisi më 15 korrik dhe u përmbyll më 15 gusht, sipas agjendës e cila ka qenë publike, të gjitha aktivitete e organizuara janë pritur jashtzakonisht mire nga qytetarët tanë.

Kryetari i komunës z. Smajl Latifi ka pritur në zyrën e tij shumë mërgimtarë me të cilët ka biseduar për gjendjen socio-ekonomike në komunën e Rahovecit, si dhe ka dëgjuar kërkesat e tyre. Me këtë rast kryetari Latifi ju ka kërkuar mërgimtarëve që merren me biznes në vendet Perëndimore që të shqyrtojnë mundësinë e investimeve në vendlindje.

Me qëllim të ofrimit të mundësisë për takime reciproke ndërmjet mërgimtarëve tanë dhe takimeve me autoritetet lokale, Drejtoria për Kulturë, Rini dhe Sport, në bashkëpunim edhe me drejtoritë tjera komunale si Drejtorinë për Administratë, Drejtorin e Arsimit, Drejtorin për Ekonmi, Drejtorin për Shëndetësi dhe Drejtorinë për Bujqësi kanë mbajtur aktivitete të shumta nga 15 korrik deri më 15 gusht 2024.

Aktivitetet për pritjen dhe ngritjen e nivelit të bashkëpunimit ndërmjet mërgimtarëve dhe autoriteteve vendore, kanë nisur zyrtarisht më 15 korrik 2024. Në oborrin e Komunës ku u organizua ceremonia simbolike e nisjes së këtyre aktiviteteve, ku ishin të pranishëm edhe mërgimtarë.

Me vendim të Kryetarit të Komunës hapësira për parkim të automjeteve ka qenë e rezervuar vetëm për mërgimtarët dhe ky vendim është respektuar me korrektësi, gjithashtu ka qenë I hapur një sportel i veçantë për mërgimtar ku janë ofruar shërbime, nga data 15.07.2024 deri me date 15.08.2024 sa ka zgjate muaj mërgimtareve Drejtoria për Administratë ka leshuar 5469 dokumente të dryshme.

Me 19 Korrik 2024 Drejtoria për Ekonomi, Zhvillim dhe Turizëm, në bashkëpunim me USAID-in Amerikan, ka organizuar takim me bizneset e Komunës së Rahovecit si dhe atyre në Diasporë, ku në këtë takim u prezantua lista e pronave të lira komunale që mund të jepen në shfrytëzim gjatë vitit 2024. Poashtu në këtë takim u prezantua PZHK dhe zonat e zgjeruara me mundësi ndërtimi dhe zonat që janë dedikuar për biznese, komuna në këtë rast ka luajtur rol në ofrimin e mundësive për bashkëpunim dhe shfrytëzim të resurseve njerëzore, natyrore e materiale të komunës së Rahovecit.

Drejtoria për Kultur, Rini dhe Sport ka organizuar turne në futboll, shah, koncerte dhe ndeja me mërgimtarët (sofra e mërgimtarit), mbrëmje argëtuese në Rahovec, Xërrxe, Ratkoc, Opterushë, Dejnë, Fortesë dhe Krushë të Madhe u mbajt "Agro Festa" me 3-4 gusht ku përveq prezantimit të prodhimeve bujqësore nga perimekultura kanë prezantuar grupe dhe muzikantë të shumtë siq ishte Luiz Eli e këngëtarë të tjerë, pjesëmarrja e qytetarëve ishte shumë e madhe. Ndër aktivitetet e pëlqyeshme ka qenë edhe organizimi i veprimtarisë "Sofra e mërgimtarit", duke patur parasysh që po ju krijohet mundësia e takimeve dhe bashkëbisedimi me mërgimtarët tanë.

Përveç këtyre aktiviteteve u organizua edhe turneu në Shah për penzionista në fshatin Ratkoc ku moren pjesë edhe kurbetqarë në këtë turne, mërgimtarët kanë pasur mundësi të marrin pjesë edhe në turneun e futbollit, që u organizua enkas për dashamirësit e këtij sporti në Krushë të Madhe.

Pjesëmarrja e madhe e qytetarëve në këto aktivitete nga data 15 korrik deri më 15 gusht, është dëshmia më e mirë se organizimet kanë qenë në nivel dhe se janë përmbushur në masë të koniderueshme pritjet e mërgimtarëve tanë, aktivitete e organizuar në qytet pikërisht në rrugën "Xhevat Kaspi" janë organizuar në bashkëpunim me bizneset të cilët veprimtarinë e tyre e ushtrojnë në atë pjesë, ku edhe i falenderojmë për bashkëpunim të cilët kanë dhënë kontributin e tyre në muajin e mërgimtarëve.


Në të gjitha aktivitetet e mbajtura kanë qenë prezent Pocija e Kosovës-Stacioni Policor në Rahovec të cilët janë kujdesur për mbarëvajtjen dhe sigurinë e qytetarëve, ku shfytëzojmë rastin ti falenderojmë për bashkëpunim të cilët janë të gatshëm çdo here të ofojnë siguri për qytetarët.




Drejtoria për Shëndetësi e Përkujdesje Sociale, në bashkëpunim me QKMF "Dr. Fahredin Hoti", kanë organizuar kontrolle mjekësore falas në ambiente të hapura (29.07.2024). Me këtë rast janë realizuar kontrolle mjekësore nga mjekët dhe infermierët e QKMF-së.



Në kuadër të këtyre aktiviteteve janë organizuar gara në futboll të vogël, gara në shah, si dhe janë përruruar objekte sportive infrastrukturore. Turneu i futbollit për mërgimtarët në Krushë të Madhe, ishte planifikuar të mbahet më 26 e 27 korrik, mirëpo për arsye të interesimit të madh për të marrë pjesë, ky turne ka zgjatur gjashtë ditë. Pjesëmarrja ka qenë masive dhe mbarëvajtja ka qenë shembullore.



Organizimi i aktiviteteve kulturore ka qenë më masiv në krahasim me vitet e kaluara. Sofra e mërgimtarit, aktivitet tradicional ky shumë i dëshiruar nga mërgimtarët, ka tërhequr vëmendjen e shumë pjesëmarrësve. Në fshatrat; Opterushë, Dejnë e Fortesë, në bashkëpunim me Këshillat e këtyre fshatrave dhe bizneseve vendore, u mbajtën aktivitete muzikore e argëtuese, që tërhoqi shumë mërgimtarë.



Bashkëpunimi me shoqërinë civile ka qenë shumë domethënës, me ç'rast më 2 gusht u organizua manifestimi "FARDIFEST", në Kompleksin përkujtimor e kulturor në Gradish. Në këtë festë të organizuar nga Forumi "Anadrini" (OJQ e formuar nga rahovecianët që jetojnë e punojnë në Prishtinë), pati prezantim të vlerave tona kulturore të traditës, vlera artistike muzikore tradicionale, si dhe prezantim të ushqimeve e pijeve tradicionale të zonës së Rahovecit.




Në këtë vazhdë në Krushë të Madhe, më 3 e 4 gusht, u mbajt manifestimi tradicional “AGROFESTA”, ku u prezantuan prodhimet bujqësore vendore, industria e përpunimit të perimeve, si dhe ritet e kultura popullore e kësaj zone. Pjesëmarrja e prodhuesve, përpunuesve dhe e qytetarëve ka qenë e kënaqshme, ndërsa është përmbushur edhe një synim i këtij aktiviteti – ndërlidhja e zinxhirit prodhues-përpunues-kosnumator.



Gjatë kësaj kohe nuk janë lënë në harresë as më të vegjlit, respektivisht fëmijët me nevoja të veçanta. Më 8.08.2024 në parkun e qytetit Toni e Mici u mbajt një aktivitet argëtues “Kids party”, në bashkëpunim me shoqatën e Pavarur të Gruas “Hareja”. Në këtë aktivitet morën pjesë numër i konsiderueshëm i fëmijëve dhe të rinjve, me ç’rast u organizuan lojëra e argëtime të ndryshme. Fëmijët u zbavitën shumë.



Muaji i mërgimtarëve është shoqëruar edhe me organizime të ndryshme kulturore e artistike, me ç'rast në rrugën "Xhevat Kasapi", (afër palestrës së sportit), janë organizuar mbrëmje muzikore ku kanë prezantuar vlera muzikore grupe dhe artistë vendor. Organizimi i këtyre mbrëmjeve është bërë në bashkëpunim me bizneset që afarojnë në këtë rrugë, Komunës së Rahovecit (DKRS) dhe shoqërisë civile.



Organizimet e shumta për mërgimtarët janë përmbyllur me ceremoninë e ndarjes së Dekorates Komunale për Humanizëm "Dr. Ali Sokoli", aktivitet që u mbajt në sallën e Kuvendit të Komunës, ku ishin të pranishëm numër i konsideureshëm qytetarësh e veprimtarësh. Kjo dekoratë iu nda mjekut në pension, kirurgut të mirënjohur Dr. Sadri Bajraktari.



Ndonëse ishin planifikuar gjashtëmbëdhjetë aktivitete të ndryshme, gjatë kësaj kohe janë realizuar gjithsej 25/26 aktivitete kulturore, artistike, sportive dhe aktivitete të tjera që ndërlidhen me mërgimtarët tanë, vlenë të cekët se për muajin e mërgimtarëve kontribut të madh ka dhënë shoqata “Vizioni i Rinisë për Integritet Social”, këshillat lokale të fshatarave si dhe të rinjtë e komuns sonë.

Sipas të dhënave të vëzhguesve tanë, në këto aktivitete duke filluar nga Qyteti e në të gjitha vendbanimet tjera ku janë mbajtur aktivitete kanë marrë pjesë rreth 20,000 mijë qytetarë.

Konsiderojmë se, të gjitha aktivitetet kanë pasur ecuri normale dhe nuk janë regjistruar incidente apo ngecje në procesin e përmbushjes së programit të paraparë.

Rahovec, shator2024

Drejtori i DKRS-së

Afrim Dina

